

- 11 Taloyoakmi, uvanilu
- Siksiuyut Tikirarjuarmi.

73 nik uniaqtayunik nakuuhuyut ublumi. 591 nik atauttimun uniaqtayunik nakuuhuyut hiamitirmit.

Quviahuktun'ngalu uqagumaplugu tunihiyuguq aadlanik ikayuutiqhainnik aannialaqtitaqtunut Nunavunmiut ilaudjutigiplugu Nunavut Kavamanga QALAGYUARNITIGUT-19 Upalun'ngaiyaigutaa Kiunirmun. Una ilaliutihimayuq \$3.25 miliantaala piinnariaqaqtuq talvuuna aadlatkiingni nunallaami nutaanut havaariyauyumayainnik. Inuliriyitkut tuniqhaiffangmiyut \$1.25 miliantaalamik piviqhaqaqtittiyumaplugit nunallaami niqinut munaqhiunut hamalatkunnutluunniit aittuutunik ikayuriangganni niqailliurnaittumik havaariyauyumayainnik. Havagvialu tunihiyut aadlamik \$1 miliantaalamik tahapkunanut Ikur'raq nappaqtirinirmun pivinga.

Kin'ngulliqmilu, Tukisigiarvik, Iliatsiniq, Iliasaqsvik Iqittiaqhimalugu Inuuhiq Katimayiitalu piniaqtut \$250,000 taalamik ikayuqhimmaagutiqhainnut piviqhanutlu ihariagiyainnik Nunavunmiunut. Hapkua havaariyauyuqhat hivuliqtigiyait Inuliriyitkut.

Qujannamiik Minista Kusugak haffuma havaariyauyuqhamut.

Minista hamaniittuq kiuyaami apikkuutinut ihumagiyauyunut hapkununga havaariyauyuqhanut.

Puiguqtailiumayatka Nunavunmiut QALAGYUARNIQ-19 ikayuqtiit hivayutait hailiyut. Avaliin'ngaaquyauyugvit QALAGYUARNITIGUT-19, hivayainnariaqaqtutin hamunga 1-888-902-0872 qaritauyaqvigilugitluunniit uvani isolationsupports@gov.nu. piyaami Nunavut Kavamanga avaliin'ngaarnirmun tuniqhidjutainnik niqinik. Qilanaagutittailugu – havaktiit ikayungmagit amigaittut hivayaqtunik.

Tapkununga tingmidjutikkut apikkuutit hivaquyait Nunavut Kavamang akiittumut hivayutaannut uvani 1-833-524-0735. Kiuyit havaktiitlu ikayuinnarniaqtut tamainni hitamani ilitariyahimayut uqauhiitni.

Kapuqhidjavutit, nutaqqatitlu kapuqhidjavut, ikayuutiqhaamiklu tamainnut kappuutinut pilugu pittaaguvit. Uvagut tamapta uqumaiilluqtutun itpaktuguq hiamitirniatigut, kihimi uvagut humaagiguilimaittavut.

Pitjutihimmaaqtuqhayuguq maliklugit inungnut aanniaqtailinirmun maliqqayaqhaita.

Ublumimut naunaiyautit QALAGYUARNITIGUT-19 ublumimutlu naunaiyautait GN Havagviit piinnariaqaqtut tamainni uqauhiinni: <https://www.gov.nu.ca/health/information/covid-19-novel-coronavirus>; <https://www.gov.nu.ca>



INUK | ENG | IKW | FRE



INUK | ENG | IKW | FRE

- Aihimalutit pittaaguvin.
- Inuqaryuanggilluhi.
- Atuqlutin ivyarunmik.
- Ilitturipkailugit QALAGYUARNIQ hivayaqlugit hivayautaannut mihingnautiqaliguvit.

Tamainnit irinahuktailutin pittiaqpaklutinlu.

Qujannamiik.

Minista Munaqhiliqiyitkunni Ublumimut Kangiqhipkaidjuraa:

Morning, Ublaattiaq.

Uqagumayunga qanuqtun qayarnakpiaqtuq kangiqhilluaqtaunggittunik Qalagyuarnitigut-19. Mamianaugaluaq, ilanggit Nunavunmiut atuqpagait naalautit inungnut tuhaqtitauyuqhaitigutluunniit hiamitiqhugit itquumanggittunik kapuqhirutiqhaitigutikkut. Ayuqhagaluaqtilluta nunaptingni, ikayuqviqhaittuq itquumanggittunit.

Uqaffangniaqtara - QALAGYUARNITIGUT kapuutait qayangnaittut. Takuplugit inuulrammiivut aadlatlu kapuqhiqtunik, mihigiqpiqtara niriugiplugu hivunipta. Kapuqhigumik amigaittunik utiqtiffaangniaqtaatigut inuuhigiyavaktaptingnut. Imaaluttauq, kapuutikkut kangiqhittianggittunik qayangnaqhivitaktut Nunavunmiunut. Ihuittumik naunaiyautigiyauvaktut kappiahuktittigiinnaktut ukpiguhuiqtittivaqhunilu.

Taapkuat kapuqhinggittut qayangnangniatqiyauniaqtut aannialaqqiyuaqlutik huiliqlutikluunniit QALAGYUARNIRMIT-19. Kapurhingnikkut inmi ihumaliugutigiyauyuqhaq. Ukpiginggitkuffiyuq

kapuqhirniq, itquumanggittunik naunaipkaqtitauhuiqlutin aadlanut qayaginiahunggungmata.

Naluqhimaguvit kappuutigut, apikkuutiqaguvitlu – naammaktuq. Naalaklugit ayuittiaqhimayut. Naalaklugu Daakti Patterson. Uqaqvigilugu munaqhi ukpiriyarnut. Naalaktailugit inungnut tuhaqtipkaidjutini nunamiuqatauyunitluunniit aanniaqtailinirmun ayuittiangginmata.

Uqagumayaralu qanuq puiguqtailiyaqhaq pittiaquplugu Nunavut Munaqhiliqiyitkut havaktiinnut ayungnaqhitillugu. Hadja, ilihimayunga ilanggit inuit iqihulivaktut inungnut aanniaqtailinirmun maliqayaqhaitigun. Iqihugittailugit kihimi havaktiit

Ublumimut naunaiyautit QALAGYUARNITIGUT-19 ublumimutlu naunaiyautait GN Havagviit piinnariaqaqtut tamainni uqauhiinni: <https://www.gov.nu.ca/health/information/covid-19-novel-coronavirus>; <https://www.gov.nu.ca>



munaqhiliqiyitkunni. Ilanggit munaqhiliqiyitkunni ayuittiaqhimayut uqamalaktitauvaktut iqhinaqhaaqtitauplutik uqauhikkut. Munaqhiliqiyitkunni havaktiit ikaangniitni amigaittuni havakpiaqhimaliqtut. Talvaniitpaktut ikayugumaplutik. Munariyaqanggittut inungnut aanniaqtailinirmun maliqayaqhaitigut havakpiaqhimaliqhutiklu munaqhinirmun nunallaangginni.

Havaqatigiittiaqta talvamiit QALAGYUARNIQ-19. Ayuqhaliguvut avaliin'ngaarnirmun, pittailiyauyut, ihumaalurnirminluunniit irinahuktutun iplutiklu QALAGYUARNIRMIT-19, amigaittuguq taimailivaktuguq, ikayuqtiqaqtutlu ikayuqtauyumaguvit. Pitquyavut Nunavunmiut atuqplugit ihumailiqinirmun havagviit hivayautaitlu tamaani nunaptingni. Nunavut Kamatsiaqtut Ikayuqtauyumayunut Hivayaqtaqhaat: 1-800-265-3333 havaktiinnutlu Nunavut Kavamaini piqaqtut Havaktimut Ilaitlu Ikayuutiqhainnik Pivinga: 1-800-663-1142

Puiguqtailugu uvagut tamapta ilaudjutigiigtuguq pittiangnahaqhutalu. Havaaqaqtuguq tamapta hiamitirnaigtut hulidjutihilu aanniaqtailiniaqtaatigutlu tamainnut aanniaqtailiplugitlu.

Quana.

Atanilluaq Inungnut Aanniaqtailinirmun Havaktia Ublumimut Kangiqhipkaidjutaa:

Ublaakkut,

Qaanggilihaaqtuni kaffini ubluit, apiqhuqtauvaktuguq qanuq ihumaliuaqpariaqhapingnik aadlanggunnirmun inungnut aanniaqtailinirmun atuquyauyunggittunik huuqlu atauhiq nunallaq atuquyauyunggittuniklu inungnut aanniaqtailinirmun maliqayaitanik talvamiit aadlanit.

Puiguqtailiyaqhaq kangiqhittiaqtauyuqhaq nampait aanniaqtunik QALAGYUARNIQ-19 mik nunallaami pidjutaulluanggittut hiamitingnigit amigaittilaanggitluunniit qayarnautiatigutlu. Ihumagiyauyuqhatlu aadlat ihumaliuqtauyuqhatlu tamainni ihivriuliguptigiq qayarnia nunallaamut. Taapkuat nampait aimmaviuyumi ilaudjutilgit; qanuq qilamik aanniarut hiamitiliqtuq; havaktiit Munaqhiliqiyitkunni pittaariaqhainnik ihivriungnirmun naunaiyainirmunlu, kaffiuyaaqhainniklu pusantigut nunallaami kapuqhiqtunik. Tahapkua ihumagiyaavut ihumagiyauyuqhat havaktauliqqata maliqqayaqhat.

Nakuutqiaq ikiqliyuummiriama qayarnia nunallaanut hapkuangguuyut:

Ublumimut naunaiyautit QALAGYUARNITIGUT-19 ublumimutlu naunaiyautait GN Havagviit piinnariaqatut tamainni uqauhiinni: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

- Aihimalutin aanniaguvit.
- Maliklugit inungnut aanniaqtalinirmun maliqqayaqhait.
- Atuqlutik ivyarutinik.
- Kiqliqaqlutik katimariaqhaiqanggittunut.
- Maliklugit maliqyayuyut avaliin'ngaarnirmun.
- Kapuqhiqhiqlutin.

Quana.

Ilautigingmagu Nunavut Kavamanga (GN) aqhuuqhainia aanniaqtaliliplugit QALAGYUARNIRMIT-19, GN kut Havagviit atuliqtiliqitut hapkuninga:

Munaqhiqiyitkut

Tamainnun nutaanik naunaitkutininik ikajuutiqhallu talvuuna qalagjuarnirmun COVID-19 Nunavunmi, hamungaulutit:

<https://www.gov.nu.ca/health/information/covid-19-novel-coronavirus>

Nutaanik kangiqhidjutikhanik tadjamin inungnun aanniaqtalinikkut kiklikhainnik, hamungaulutin:

<https://www.gov.nu.ca/health/information/nunavuts-path>

Naunaittiarutikhat kapurhivikhatigut talvungaulutit:

<https://gov.nu.ca/health/information/covid-19-vaccination>

QALAGYUARNIQ-19 aanniaqtunik qanurinniit: Jaanuiali 27, 2022

Atauttimun ihivriutaayut	Attautimut naunaiqtau himayut aanniaqtut	Atauttimun aanni aqtut huli	Atauttimun nakuu hiyut	Huiqtut	Atauttimun inuit kapuqhiq himayut atauhiinnarmik Nunavunmi	Atauttimun inuit kapuqhiq himayut malruungnik Nunavunmi	Atauttimun inuit kapuqhiq himayut pingahunik Nunavunmi
30,696	1544	279	1260	5	31,855	25,367	11,123

Ublumimut naunaiyautit QALAGYUARNITIGUT-19 ublumimutlu naunaiyautait GN Havagviit piinnariaqaqtut tamainni uqauhiinni: <https://www.gov.nu.ca/health/information/covid-19-novel-coronavirus>; <https://www.gov.nu.ca>



INUK | ENG | IKW | FRE



INUK | ENG | IKW | FRE

QALAGYUARNIQ-19 nunallaami aanniaqtut qaffiutilaangit: Jaanuiali 27, 2022

Nunallaaq	QALAGYUARNIQ-19 Qanurinmanggaat	Hivitunia	Inuit aanniarutiqaqtut ippaqaq (ATAUT TIMUN)	Inuit aanniarutiqaqtut ublumi (ATAUT TIMUN)	Aadlanggania ippaqaq rmit (aanniarutiqaqtunik)	Amiga iqyuummig utigut Naam maqhiyut	Aadlanggania ippaqaq rmit (nakuu hiyunik)	Ataut timut Aanniaqtut Huli
Kugluktuk	Aulahimmaaqut	Jaanuiali 23, 2022	3	3	0	1	1	2
Kimmit	Aulahimmaaqut	Jaanuiali 22, 2022	1	1	0	1	1	0
Naujaat	Aulahimmaaqut	Jaanuiali 15, 2022	15	15	0	10	6	5
Kugaaruk	Aulahimmaaqut	Jaanuiali 14, 2022	2	2	0	2	0	0
Uqhuqtuuq	Aulahimmaaqut	Jaanuiali 14, 2022	4	4	0	4	0	0
Taloyoak	Aulahimmaaqut	Jaanuiali 11, 2022	10	15	5	4	0	11
Salli	Aulahimmaaqut	Jaanuiali 9, 2022	30	31	1	16	1	15
Tikirarjuaq	Aulahimmaaqut	Jaanuiali 7, 2022	19	19	0	12	0	6
Sanikiluq	Aulahimmaaqut	Jaanuiali 4, 2022	45	46	1	18	6	28
Kinngait	Aulahimmaaqut	Jaanuiali 2, 2022	59	64	5	48	2	16
Mittimatalik	Aulahimmaaqut	Jaanuiali 1, 2022	6	8	2	1	0	7
Igluligaarjuk	Aulahimmaaqut	Jaanuiali 1, 2022	6	6	0	5	0	1
Iqaluktuuttiaq	Aulahimmaaqut	Dissaippa 30, 2021	76	77	1	46	5	31
Iglolik	Aulahimmaaqut	Dissaippa 29, 2021	50	75	25	20	2	55
Qamanittuaq	Aulahimmaaqut	Dissaippa 29, 2021	59	62	3	34	14	28
Arviat	Aulahimmaaqut	Dissaippa 29, 2021	122	123	1	105	7	18
Sanirajak	Aulahimmaaqut	Dissaippa 29, 2021	26	26	0	21	1	5
Qikiqtarjuaq	Aulahimmaaqut	Ubluivria 28, 2021	8	8	0	8	1	0
Kangiqliniq	Aulahimmaaqut	Dissaippa 23, 2021	90	97	7	79	8	18
Pangniqtuuq	Aulahimmaaqut	Dissaippa 23, 2021	26	26	0	26	0	0
Iqaluit	Aulahimmaaqut	Nuvaippa 4, 2021	157	163	6	130	18	33
Atauttimut			814	871	57	591	73	279

*Ilihimalugu: Hapkua nampait aadlangguqattainnaktut. Havaaqhat havaktiattavaktut pihimayaami naunaiyautaa ublumit naunaiyautigiqattariami iniqhimayumiklu, kihimi pidjutinggittungnaqhiyuq tamainnik inungnik ihivriutauhimayunikluunniit.

**Aulaniaqtuq 17 Ubluqtuhirvia 2022mi, naunaiyagiikhimayuuq aanniarutiqaqtun ilauyut tapkuninga katimadjutit nuutaanguqtihimayuuq Nunavunmi aanniarutiqaqpakhimayut naunaitkutitigun. Una ilauyuuq Qalagjuarniq COVID-19 aanniarutiqaqtun ihumagiyaayut talvanga qaujijhairvingmi (PCR) ihumagiyaayutlu (qilaminuaq) ihivriudjutikhangit.

Ublumimut naunaiyautit QALAGYUARNITIGUT-19 ublumimutlu naunaiyautit GN Havagviit piinnariaqaqtut tamainni uqauhiinni: <https://www.gov.nu.ca/health/information/covid-19-novel-coronavirus>; <https://www.gov.nu.ca>



INUK | ENG | IKW | FRE



INUK | ENG | IKW | FRE

***Kinguvaktitauniarunaqhiyut unniudjutikkut hulidjutigiyaayuni kititiqhimayutlu aanniaqtunik pihimayut Aussaimi Kanatami. 12 aannialaqihimayun ilituriyaayut hilataani nunaptiknin ilaliutiyahimayun Nunavunmun. Ukuallu ilayut pingahut (3) tuquhimajut. Tamaitataunggittut Nunavunmiutat pilgit QALAGYUARNIQ-19 mik ilituriyaayun ahiniitillutik ilaliutiyahimayuniaqtut Nunavunmun.

QALAGYUARNIQ-19 kapuqhingnikkut qanurinmangaat: Jaanuiali 25, 2022

	Vaccines administered - 5 to 11 (inclusive)				Vaccines administered - 12 to 17 (inclusive)				Vaccines administered - 18 and over				Total vaccines administered 5+			
	Done 1st dose	%	Done 2nd dose	%	Done 1st dose	%	Done 2nd dose	%	Done 1st dose	%	Done 2nd dose	%	Done 1st dose	%	Done 2nd dose	%
Nunavut	3,130	52%	0	0%	3,813	89%	3,237	75%	24,858	100%	22,076	89%	31,801	90%	25,313	72%
Qikiqtaaluk Region	1,585	51%	0	0%	1,861	86%	1,619	75%	13,308	100%	11,844	89%	16,754	90%	13,463	72%
Arctic Bay	102	59%	0	0%	101	94%	95	88%	501	95%	443	84%	704	87%	538	66%
Clyde River	138	67%	0	0%	120	76%	106	68%	597	87%	562	82%	855	81%	668	64%
Grise Fiord	6	50%	0	0%	9	38%	7	29%	95	99%	92	96%	110	83%	99	75%
Igloolik	156	41%	0	0%	200	77%	146	56%	938	86%	788	72%	1,294	75%	934	54%
Iqaluit	507	56%	0	0%	618	94%	555	85%	6,905	114%	6,234	103%	8,030	105%	6,789	89%
Kimmitut	55	76%	0	0%	61	124%	57	116%	266	100%	245	92%	382	99%	302	78%
Kinngait	83	33%	0	0%	136	77%	120	68%	717	78%	619	67%	936	69%	739	55%
Pangnirtung	156	54%	0	0%	170	102%	142	86%	841	83%	728	72%	1,167	80%	870	59%
Pond Inlet	207	58%	0	0%	205	99%	178	86%	870	84%	777	75%	1,282	80%	955	60%
Qikiqtarjuaq	38	44%	0	0%	38	55%	30	43%	332	79%	286	68%	408	71%	316	55%
Resolute Bay	19	70%	0	0%	15	52%	15	52%	221	163%	160	118%	255	133%	175	91%
Sanikiluaq	8	4%	0	0%	95	73%	84	64%	506	88%	455	79%	609	68%	539	60%
Sanirajak	110	65%	0	0%	93	77%	84	69%	519	95%	455	83%	722	86%	539	64%
Kivalliq Region	1,062	59%	0	0%	1,204	91%	988	75%	6,540	93%	5,825	83%	8,806	87%	6,813	67%
Arviat	332	67%	0	0%	355	94%	289	77%	1,624	96%	1,445	85%	2,311	90%	1,734	68%
Baker Lake	223	69%	0	0%	197	82%	166	69%	1,261	86%	1,095	74%	1,681	83%	1,261	62%
Chesterfield Inlet	57	90%	0	0%	36	67%	33	61%	256	89%	236	82%	349	86%	269	67%
Coral Harbour	35	21%	0	0%	91	77%	74	63%	491	89%	430	78%	617	73%	504	60%
Nauyasat	112	41%	0	0%	171	98%	148	85%	638	98%	569	88%	921	84%	717	66%
Rankin Inlet	248	64%	0	0%	297	102%	227	78%	2,009	96%	1,820	87%	2,554	92%	2,047	74%
Whale Cove	55	60%	0	0%	57	81%	51	73%	261	98%	230	86%	373	87%	281	66%
Kitikmeot Region	483	46%	0	0%	689	83%	571	69%	4,107	91%	3,504	78%	5,279	83%	4,075	64%
Cambridge Bay	104	47%	0	0%	163	85%	138	72%	1,333	99%	1,181	87%	1,600	91%	1,319	75%
Gjoa Haven	79	37%	0	0%	129	75%	108	63%	789	94%	635	76%	997	82%	743	61%
Kugaaruk	75	36%	0	0%	101	61%	75	45%	532	82%	416	64%	708	69%	491	48%
Kugluktuk	120	55%	0	0%	154	94%	140	85%	875	88%	780	78%	1,149	83%	920	67%
Taloyoak	105	53%	0	0%	142	105%	110	81%	578	86%	492	73%	825	82%	602	60%
Multiple Communities*	0		0		59		59		903		903		962		962	

Naunaiyautit/Kiqliqhatlu:

Una kangiqhidjut takupkaqtittiyuq nampainnik kapuqhiqtunik nunallaami talvanga **Jaanuiali 25, 2022**. Pusatnga kapuutaanik munaqhiyut imaatun ittuq kapuut munaqtauyuq aviktuqhimayut Nunavutim inuqarniatigut nalautihimadjutaa 18 nik ukiuqaqtunut an'ngayuqhitqianutlu.

Nunavutim atauttimun kapuqhiqtunik ihuaqpiaqtut naittumi naunaiyautini. Nunallaatigut naunaiyautait ihivriuqtauyut imaa piyaami ihuaqpiaqtumik hulidjutigiyaayuni. Nunallaami

Ublumimut naunaiyautit QALAGYUARNITIGUT-19 ublumimutlu naunaiyautait GN Havagviit piinnariaqaqtut tamainni uqauhiinni: <https://www.gov.nu.ca/health/information/covid-19-novel-coronavirus>; <https://www.gov.nu.ca>



atauttimuntigut ihuaqhaqtauyuqhat ihuaqtauviqhaqagumik. Pidjutiniagungnaqhiyuq mikiyumik ihuaqhaqtauyuqhanik pusantigut nunallaatigut.

Kapuutit hulidjutigiyaouvaktut nunallaamun humi munaqtauhimadjutiniani.

Atauttimun kapurhiqhimayut taapkunanut nunaqaqtunut nunaqanggittunutlu, taapkunanutlu himmauhiqattaqtut havaktiit.

Kaffini nunallaani takudjutivaktut inungnik kapuqhiqtunik malruungni nunallaani, nunallaaniluunniit nunagiyaunggittainni.

Inuklu kapuqhiqhiqungnaqhiyuq kapputaanik 1 imaalu/imaluunniit kapputaanik 2 avataanit nunagiyamingnik.

Una pidjutiqanggittut inungnut kapuqhiqhimayungnaqhiyunut ilainnaknik tamainnikluunniit avataani ukiuqtaqtup avikturviannit.

An'ngiyuq pusanga atauhirmi nunallami aadjikkiigutiginggita amigaittumut hunggiutivaktunik aanniarunmut. Piqanggituq piliuqhimayumik naunaiqhimayumikluunniit pusanmik amigaittumut hunggiutivaktunik aanniarunmut QALAGYUARNIQ COVID-19 mut. Hunaungmangaata amigaittut hunggiutivaktunik aanniarunmut tikiutilimaittungnaqhiyuq hadjamin kapuutainnut anggiqtauhimayunik (imaakaffuk piqanggittut kapuutimik nutaqqanut nukaqhiuyunut tualumit).

Pittaarvia:

Statistics Canada, Demography Division, Special tabulations. Upalun'ngaiyaqtaat hapkua: Nunavut Havagvia Kititirinirmun, Jaanuiali 27, 2021.

Kapuutit amigaitlangit pihimajut uvanga Havagviata Aanniaqtailinirmut Meditech atuqtakhanit.

Pittaaqtut inirniqhaat nunallaami naunaiyautigiyauyut nampait inungnik 18 nit an'ngayuqhiutqiatlu maliqhugu 2020 inuqarniat nalautihimayut.

Nunallaap inuqarnia nalautihimayut "naammagiyauttianggittut" iniktauhimangmata ilainni inuqarniatigut amigaingniatigut (inuuyut, huiqtut, nuuttutlu). Atuqtauyuqhat qayagilugit.

Ublumimut naunaiyautit QALAGYUARNITIGUT-19 ublumimutlu naunaiyautait GN Havagviit piinnariaqatut tamainni uqauhiinni: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

Avaliingaaqtut amigaitilaangit:

Aullaqtun Qanurittun	Pulaaqhimayut Avaliin'ngaaqtitauyut talvanga Jan-26
Taaktiliaqtut	54
Inuit	0
EMTI	0
Havaktut	0
Atauttimut	54

Aullarhimayun utiqnun naunaiyautaa:

Aullarviqhaa Ublua	Kaffiuyut Aullaqtut Avaliin'ngaaqviuyunit
Jan-27	7
Jan-28	2
Jan-29	5
Jan-30	5
Jan-31	10
Atauttimut	29

Ilinniaqtuliriyitkut

Aulahimaaqtun kivgaqtuutit:

K-12 Iliharviit

Igloolingmi pidjutinggittut, tamaita sikuuqviit ammaffaangniaqtut ilihaqtunut talvani 100 pusan inuqarniatigut imaaluunniit 50 pusanmik inuqarniatigut, naunaiyautigilugu QALAGYUARNIQ-19 qanurinmanggaatigut tamaita nunallaanginni.

- Sikuuqviit Iqaluktuuttiami, Arviat, Qamanittuaq, Kangiqliniq, Iqaluit, Kinngait Sanikiluarmilu ammaumayut 50 pusan inuqarniatigut.
- Sikuuqviit aadlani nunallaani ammaumayut 100 pusan inuqarniatigut.
- Sikuuqviit uqaqviginiaqtait ilihagutinaqtunut ilainnutlu qanurinmanggaatigut upalunggaiyaamilu ilihagutiqhainnut.

Ublumimut naunaiyautit QALAGYUARNITIGUT-19 ublumimutlu naunaiyautait GN Havagviit piinnariaqatut tamainni uqauhiinni: <https://www.gov.nu.ca/health/information/covid-19-novel-coronavirus>; <https://www.gov.nu.ca>



- An'ngayuqqaat ilihimalluanggitkumikkiq ilihatuutinga ikayuqtigiyanga, hivayaqtaqhait ilihatuqtip ilihaiyinga.

MANILITUUTIT ILIHARIAQTUQTUNUT

- Manilituutit ilihariaqtuqtunut havagvia akiliuhiaqhimmaaqtaait ilihatuq tunihiyunut inmi FANS Ilihauqtup Atiliurninganik Titiraannik (SEF).
- Nunavunmi Ilihariaqpaalirvianni ilihatuq pinggittut huli tuyuqtaqhait FANS SEF titiqqait (Ilanga A iniktiqhimalugulu) NAC milu atiliurhimavianggit naunaitkutigiyauyuq titiraq tahapkunanut tuyuqlugit FANS havagviannut.
- Ilihatuq utaqqiuqtuqhat 15 ni havakviugiyauyuni ubluni talvanga ubluanit tunihimayainnik piimayauyunik atiliurnirmun titiqqaa (t) FANS nut ubluannut takuniaqtut maniqhaaqhait iliraqtauhimayut maniliqiviangginut.
- 15 havagviit ubluit qaanggiqata pinggittutinlu maniqhaaqhamik maniliqivingnut, qaritauyaqvigiinnariaqtaait fans@gov.nu.ca ilitturipkaiyaami. Sikuuqtut ilaliutiyuqhat aadjiliuqhimayumik maniliqidjutait titiraannik talvanga Jaanuali 1 ublumimut.
- Apikkuutit FANS ikayuutaitatigut tuyuinnariaqtaut hamunga fans@gov.nu.ca.
- Sikuuqtut apikkuutiqtaut FANS tigut-aullaqviqhatigut qaritauyaqvigiinnariaqtaut hamunga fanstravel@gov.nu.ca naunaiyautiqhanik.
- Sikuuqtut audlaqtiqtut aadlangguqtauyut aullagutiqhait tingmidjutillutik qaritauyaqvigiyaqhait hamunga fanstravel@gov.nu.ca havangnaktillugu imaaluunniit, havangnaiqqat, hivayaqlugit havaguinaqhitillugu tingmidjutiqhatigut nampaa uvani 1-867-857-6950.

Ihuaqtauhimayut kivgaqtuutit:

Ilihalihauqtut Nutaqqat Nutaqqiqiviillu

- Uqaudjavlutik CPHO gannit, Igloolik nutaqqiqivia ammaffaangniagunnaqhiyuq ihariagiayunut havaktiinnut.

MANILITUUTIT ILIHARIAQTUQTUNUT

- Havangnaqppiaknaqhitillugu ukununga the FANS-kut havagvia, uumatun aullaqritaanun nutaamun iliharviup iluani ukiumi ilihaidjutiqhaanut, havaktaqhaanut malikpagaat kiuyaami qaritauyakkut titiqqidjutinun una pingahunin tallimanun havaktillugit ubluinni. Kiuviqhait FANS havagvianit kinguvaktitauniagunnaqhiyut pidjutigiplugu QALAGYUARNIQ-19 aanniaqtunut Arviani.

Ublumimut naunaiyautit QALAGYUARNITIGUT-19 ublumimutlu naunaiyautait GN Havagviit piinnariaqtaut tamainni uqauhiinni: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

- Hadja, FANS ni havaktiit havaktut aihimatillutik, atulluaqtauvaktuqlu FANS hivayautaa munariyaunggiplunilu.
- Nakuutqiaq uqaqvigiyaami FANS kut qaritauyakkuugutiuhqhat uvani fans@gov.nu.ca.

Umiqhimaniaqtun/Nutqaqtitauniaqtun/Taimaaqtitauyut ikayuutiqhat:

K-12 Sikuuqviit

Uqaudjaungmata CPHO nganit, Igloolik sikuuqviit umiqhimaniaqtut ilihaqtunut havaktiinnutlu.

- Sikuuqviit Igloolingmi ikayurniaqtait ilihaqtut un'ngahitkaluaqhutik ayuiqhautiqhainnik atuliqqat nutaaq havainiq.

Jaanuiali iniqtirniaqhimayut ihivriudjutiqhanguinnut Nunavunmi ilihaqtunut nutqaqtitauyut. Ilihaqtut ihuaqhariiqhimagayut titiriamingnik iniktirutimingnut Jaanuiali 2022 mi piniaqtut kihiani pilutik piyaqagiinggittuqhamik naunaiyautilingmiklu ilihaqtaminut 100 pusanmik naunaitkutigiyauniaqtut.

Nunavunmiutat aanniaqtailidjutait atauttikkuut uvagut munariyaqhavut! Itqaumalugu: uaqlugit algatit, kapuqhirlutin, pidjutihimmaaqlutinlu un'ngahiqtilaaqhimalutin inungnit, naalaqlugit uqaudjait munaqhiliqiyini ayuittiaqtut, aihimalutinlu aanniaguvit.

Ublumimut naunaiyautit QALAGYUARNITIGUT-19 ublumimutlu naunaiyautait GN Havagviit piinnariaqatut tamainni uqauhiinni: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)